




ОЛОН УЛСЫН ЗАХ ЗЭЭЛ

АНУ: АНУ-ын хөрөнгийн зах зээлийн индексүүд өсөлттэй хаагдлаа. Dow Jones индекс сүүлийн 25 жилийн хугацаанд анх удаагаа 9 долоо хоног дараалан өсжээ. S&P 500 индексийн сагсанд багтдаг өргөн хэрэглээний бараа бүтээгдэхүүн үйлдвэрлэгч компаниудын хувьцааны ханш өссөн бол эрүүл мэндийн салбарт үйл ажиллагаа явуулдаг компаниудын хувьцааны ханш буурсан үзүүлэлттэй байна. Эмийн жижиглэнгийн худалдааны "CVS Health" компаний 2019 орлогын тамгаа буруулсантай холбоотойгоор нэгж хувьцааных нь ханш буурчээ. Ройтерс агентлагийн мэдээлснээр S&P 500 индексийн сагсанд багтдаг компаниудын 90 хувь нь 2018 оны 4-р улирлын тайлангаа гарсан байна.

Нэгдүгээр сарын 29-30-нд хийсэн Холбооны Нөөцийн сангийн хурлын тэмдэглэлийг харвал Бодлогын зөвлөлийн гишүүд бараг бүгдээрээ 2019 оноос эхлэн Төв банкны тайлан тэнцлийн хэмжээг бууруулахаа зогсоох хэрэгтэй гэдэгт санал нэгдэж, 2019 онд бодлогын хүүг нэмэгдүүлэх шаардлага бага гэж үзэж байна. Ингэснээр хөрөнгийн зах зээлийн индексүүд өсжээ.

1-р сард АНУ-ын орон сууцны худалдан авалт сүүлийн 3 жилийн доод түвшинд хүрлээ.

Энэ долоо хоногт ажилгүйдлийн тэтгэмж хүсэгчдийн тоо таамагласан хэмжээнээс бага өссөн бол "IHS Markit"-аас танилцуулдаг үйлчилгээний салбарын идэвх нэмэгдсэн байна.

Европ: АНУ, БНХАУ хоорондын худалдааны маргааны асуудалд ахиц гарч байгаатай холбоотойгоор Европын бүсийн хөрөнгийн зах зээлийн дийлэнх индексүүд өсөлттэй хааглаа. Их Британи Европын Холбооноос ямар нэгэн хэлэлцээр хийлгүй гарах магадлал өсч, FTSE 100 индекс 0.8 хувиар буурчээ.

"Brexit" хэлэлцээрийн тодорхой бус байдалтай холбоотойгоор Фитч агентлаг Их Британийн АА зээлжих зэрэглэлийг "эргэлзээтэй" болгой бууруулсан боловч фүнтийн ханш ам.долларын эсрэг чангарсан байна.

Их Британийн Ерөнхий сайд Тереза Мэй BREXIT-ийн хэлэлцээрийн төсөл мухардалд орохоос зайлсхийхээр яаравчилж байна. Хэрвээ хоёрдугаар сарын 27-нд Их Британийн Парламент BREXIT-ийн хэлэлцээрийн төслийг дэмжихгүй бол Тереза Мэй BREXIT-ийн товыг хойшлуулахаас өөр аргагүй байдалд хүрэх ажээ.

"IHS Markit" байгууллагаас танилцуулдаг Европын бүсийн худалдан авагч менежерүүдийн индексээс харвал Европын бүсийн эдийн засаг 2013 оны дунд үеэс хойш анх удаа буурах төлөвтэй болж, 2-р сард 49.2 нэгжтэй тэнцжээ. Индексийн тааруу үзүүлэлтэнд дэлхийн эдийн засгийн удаашрал болоод улс төрийн тодорхойгүй байдал нөлөөлжээ.

Япон: Худалдааны маргааны асуудалд ахиц гарч, мөн тус улсын хувьцаат компаниудын тайлангийн эерэг үзүүлэлтүүд Японы хөрөнгийн зах зээлийн Nikkei 225 индекс өсөлттэй хаагдах гол шалтаан болжээ.

Эх сурвалж: Reuters, Troweprice

Олон улсын индексүүд

Индекс	Улс	Хаалт	Өөрчлөлт
MSE TOP 20	Монгол	21,336.19	-1.13% ▼
Dow Jones	АНУ	26,031.81	0.57% ▲
S&P 500	АНУ	2,792.67	0.62% ▲
Nasdaq	АНУ	7,527.54	0.74% ▲
S&P/TSX	Канад	16,013.01	1.10% ▲
FTSE 100	Их Британи	7,178.60	-0.80% ▼
S&P/ASX 200	Австрали	6,167.30	1.67% ▲
Nikkei 225	Япон	21,425.51	2.51% ▲
Hang Seng	Хонг Конг	28,816.30	3.28% ▲

Бондын өгөөж

Бонд	Валют	Купон	Үнэ
Mongol 2024 (Хуралдай)	USD	8.750%	111.54
Mongol 2023 (Гэрэгэ)	USD	5.625%	99.97
Mongol 2022 (Чингис)	USD	5.125%	99.71
Mongol 2021 (Мазаалай)	USD	10.875%	111.59
DBM' 23 (Самурай)	JPY	1.520%	104.68
DBM' 2023	USD	7.250%	102.12
TDBM' 2020	USD	9.375%	104.42

Зах зээлийн хүү

Хүү	Хаалт	Өөрчлөлт
Libor 1M	2.484	0.00 ▲
Libor 3M	2.646	-0.03 ▼
Libor 6M	2.706	-0.04 ▼
Libor 1YR	2.892	-0.01 ▼
US 2YR Bond	2.504	-0.01 ▼
US 3YR Bond	2.470	-0.02 ▼
US 5YR Bond	2.480	-0.01 ▼
US 10YR Bond	2.661	-0.00 ▼

Валютын ханш /төг/

Валют	2019.02.22	Өөрчлөлт
USD	2,632.71	0.07% ▲
CNY	388.36	-0.44% ▼
EUR	2,969.43	-1.36% ▼
RUB	39.48	-1.62% ▼
KRW	2.33	-0.85% ▼
JPY	23.86	-0.38% ▼
CAD	1,977.85	-1.54% ▼

Түүхий эдийн үнэ

Түүхий эд	Хэмжих нэгж	Хаалт	Өөрчлөлт
Алт /спот/	USD/t oz.	1,324.53	0.78% ▲
Мөнгө /спот/	USD/t oz.	15.79	-0.22% ▼
Зэс	USD/lb.	283.00	0.69% ▲
Нүүрс	USD/MT	91.80	-1.92% ▼
WTI газрын тос	USD/bbl.	55.75	5.75% ▲
Brent газрын тос	USD/bbl.	66.07	6.39% ▲
Байгалийн хий	USD/MMBtu	2.64	2.33% ▲

Макро эдийн засгийн үзүүлэлтүүд

Үзүүлэлт	Хугацаа	Хэмжээ
Инфляцийн түвшин	2019. I	7.30%
Бодлогын хүү	2019. I	11.00%
Банк хоорондын зах зээлийн хүү	2019. I	11.10%
Хадгаламжийн дундаж хүү /төгрөг/	2019. I	12.10%
Хадгаламжийн дундаж хүү /валют/	2019. I	4.90%
Зээлийн дундаж хүү /төгрөг/	2019. I	16.80%
Зээлийн дундаж хүү /валют/	2019. I	10.60%

Эх сурвалж: Үндэсний статистикийн хороо, Монголбанк, Bloomberg

МОНГОЛЫН ХӨРӨНГИЙН БИРЖИЙН АРИЛЖАА


Энэ 7 хоногт Монголын хөрөнгийн биржийн хоёрдогч зах зээлийн энгийн арилжаагаар 47 компанийн 626.3 сая төгрөгийн 1,840,095 ширхэг хувьцаа арилжигдав.

“Баянтээг” /BTG/ компанийн хувьцаа 19.80%-аар буюу хамгийн ихээр өсч 23,960.0 төгрөгт хүрч хаагдсан бол “Адуун чулуун” /BUK/ компанийн хувьцаа 15.00%-аар буурч 340.0 төгрөгт хүрч хаагдлаа.

Мөн тайлант долоо хоногт ЗГҮЦ-ны анхдагч болон хоёрдогч зах зээл дээр арилжаа хийгдээгүй.


2-р сарын 22-ны өдрийн байдлаар зах зээлийн үнэлгээ 2,523.6 тэрбум төгрөгт хүрсэн бол MSE TOP-20 Индекс 21,336.19 нэгж болж өмнөх 7 хоногийн үзүүлэлтээс 1.13%-аар буурсан байна.

MSE Индекс



Эх сурвалж: Монголын хөрөнгийн бирж

Арилжааны үнийн дүн /7 хоногоор, 2019 он/



*2018 оны 12-р сарын 31-ний өдрийн арилжааг хасан тооцсон

Эх сурвалж: Монголын хөрөнгийн бирж

Зах зээлийн хураангуй

Хураангуй	Үнийн дүн /сая төг/
Арилжигдсан үнийн дүн	626.3
Зах зээлийн үнэлгээ	2,523,607.2

Зах зээлийн индекс

Индекс	Хаалт	Өөрчлөлт
MSE Top 20	21,336.19	-1.13% ▼
MSE I индекс	9,927.08	-1.45% ▼
MSE II индекс	8,489.56	-0.17% ▼

Идэвхтэй арилжигдсан хувьцаа

Компани	Ширхэг	Үнийн дүн /төг/
АПУ	215,565	141,183,219
Талх чихэр		87,152,190
Түмэн шувуут	401,150	83,854,468
ЛэндМН ББСБ	617,747	43,338,427
Говь	116,918	38,789,753

Өсөлттэй хувьцаа

Компани	Хаалт /төг/	Өөрчлөлт
Баянтээг	23,960.00	19.80% ▲
Ремикон	31.35	15.68% ▲
Хүрд	2,447.00	14.99% ▲
Дархан гурил тэжээл	1,050.00	14.40% ▲
Дархан нэхий	16,500.00	5.97% ▲

Бууралттай хувьцаа

Компани	Хаалт /төг/	Өөрчлөлт
УБ-БҮК	340.00	-15.00% ▼
Бөөний худалдаа	300.00	-14.29% ▼
МИК Холдинг	12,800.00	-13.22% ▼
Талх чихэр	18,040.00	-9.80% ▼
Багануур	1,300.00	-3.99% ▼

Арилжаанд идэвхтэй оролцсон үнэт цаасны компаниуд

Компани	Арилжааны үнийн дүн /төг/
Би Ди Сек	284,896,814
Голомт Капитал	162,243,255
Стандарт инвестмент	134,224,081
Ти Ди Би Капитал	93,544,778
Эм Ай Би Жи	88,289,363

Зах зээлийн үнэлгээ хамгийн өндөр 5 компани

Компани	Хаалт /төг/	ЗЗҮ /сая.төг/
АПУ	646.00	691,037
Таван толгой	7,250.00	384,456
МИК	10,600.00	265,079
Говь	328.10	257,585
Сүү	210.00	73,958

НОГДОЛ АШИГ ЗАРЛАСАН ХУВЬЦААТ КОМПАНИУД

№	Симбол	Компанийн нэр	2018 оны цэвэр ашиг /сая төг/	Нийт хуваарилах ногдол ашиг /сая төг/	Ногдол ашиг төлөлтийн харьцаа	Нэгж хувьцааны ногдол ашиг /төг/	Шийдвэр огноо	Бүртгэлийн өдөр	Хуваарилах өдөр
1	LEND	ЛэндМН ББСБ	2,560.3	800.0	31.2%	1.0	2019.01.30	2019.02.22	2019.05.01-ний дотор
2	MBW	Монгол Базальт ХК	217.2	56.4	26.0%	1.0	2019.02.01	N/A	2019.10.01-с
3	BTG	Баянтээг ХК	1,771.4	1,000.0	56.5%	3,958.7	2019.02.11	2019.03.04	2019.06.01-с
4	SUL	Жуулчин дүти фрий ХК	1,384.5	653.6	47.2%	10,000.0	2019.02.12	N/A	2019.05.31-с
5	GOV	Говь ХК	N/A	5,304.8	N/A	6.8	2019.02.13	N/A	2019.04.25-с
6	ADU	Хөвсгөл алтан дуулга ХК	399.2	1,888.1	473.0%	120.0	2019.02.13	N/A	2019.05.01-с
7	TCK	Талх чихэр ХК	1,975.9	204.7	10.4%	200.0	2019.02.14	N/A	2019.07.01-с
8	MMX	Мах импекс ХК	778.6	456.1	58.6%	120.0	2019.02.14	N/A	2019.10.01-с
9	BUK	УБ-БҮК ХК	566.4	131.5	23.2%	1.0	2019.02.14	N/A	2019.05.01-с
10	MNP	Монгол шуудан ХК	1,560.3	468.1	30.0%	4.7	2019.02.18	N/A	2019.05.01-с
11	HRD	Хүрд ХК	N/A	74.4	N/A	550.0	2019.02.18	2019.03.04	2019.06.01-ний дотор
12	MNDL	Мандал даатгал ХК	3,868.3	624.3	16.1%	100.0	2019.02.18	N/A	2019.05.01-2019.05.31
13	GTL	Гутал ХК	2,225.8	1,257.7	56.5%	777.0	2019.02.18	2019.03.13	2019.05.06-с
14	TEX	Техник импорт ХК	2,702.0	723.4	26.8%	500.0	2019.02.18	2019.03.11	2019.04.11-с
15	APU	АПУ ХК	N/A	48,952.4	N/A	46.0	2019.02.19	N/A	2019.12.31-ний дотор
16	AIC	Ард даатгал ХК	1,263.4	631.8	50.0%	25.3	2019.02.19	2019.03.15	2019.06.29-ний дотор
17	GHC	Ган хийц ХК	20.3	12.1	59.7%	50.0	2019.02.19	N/A	2019.10.01

ЭЭЛЖИТ ХУРАЛ ЗАРЛАСАН ХУВЬЦААТ КОМПАНИУД

№	Симбол	Компанийн нэр	Бүртгэлийн өдөр	Хуралдах өдөр	Хуралдах цаг
1	HRM	Гермес центр ХК	2019.02.18	2019.03.07	15:00
2	SVR	Эрдэнэт суврага ХК	2019.02.08	2019.03.11	11:00
3	BLG	Завхан баялаг ХК	2019.02.27	2019.03.18	10:00
4	LEND	ЛэндМН ББСБ ХК	2019.02.22	2019.03.23	12:00
5	DLH	Эм Эн Ди ХК	2019.03.11	2019.03.28	15:00
6	EAZ	Эрдэнэт авто зам ХК	2019.03.14	2019.03.29	10:00
7	BTG	Баянтээг ХК	2019.03.04	2019.04.01	10:00
8	GTL	Гутал ХК	2019.03.10	2019.04.01	11:00
9	АНН	Хоринхоёрдугаар бааз ХК	2019.03.11	2019.04.01	13:00
10	MNB	Мон Наб ХК	2019.03.14	2019.04.04	14:00
11	MIB	Монинжбар ХК	2019.02.05	2019.04.05	14:30
12	HRD	Хүрд ХК	2019.03.04	2019.04.05	16:00
13	VIK	Баян-Алдар ХК	2019.03.04	2019.04.08	10:00
14	HUZ	Хөвсгөл усан зам ХК	2019.02.28	2019.04.08	09:00
15	MIE	Материалимпекс ХК	2019.03.11	2019.04.09	10:30
16	TLP	Тулпар ХК	2019.03.11	2019.04.15	15:00
17	AIC	Ард даатгал ХК	2019.03.15	2019.04.27	09:00

ХӨРӨНГИЙН ЗАХ ЗЭЭЛИЙН МЭДЭЭ

“Монголын хөрөнгийн бирж” ТӨХК 2018 онд

“Монголын хөрөнгийн бирж” ТӨХК нь 2018 онд нийт 252 удаагийн арилжаа зохион байгуулж, хувьцааны анхдагч болон хоёрдогч зах зээлийн арилжаагаар 136 компанийн 666.8 сая ширхэг хувьцааг 210.0 тэрбум төгрөгөөр, ЗГҮЦ-ны хоёрдогч зах зээлийн арилжаагаар нийт 332.8 мянган ширхэг үнэт цаасыг 33.5 тэрбум төгрөгөөр, компанийн бондын хоёрдогч зах зээлийн арилжаагаар нийт 6.3 мянган ширхэг бондыг 631.6 сая төгрөгөөр тус тус арилжиж, нийт 244.1 тэрбум төгрөгийн арилжаа хийсэн байна.

Тайлант хугацааны голлох үйл явдлууд, өөрчлөлтүүдийг дурдвал:

- МХБ нь үүсгэн байгуулагдсанаас хойшхи түүхэндээ жилд хамгийн олон буюу нийт 5 шинэ, 2 нэмэлт үнэт цаасыг бүртгэж, анхдагч зах зээлд нийт 31.4 тэрбум төгрөгийн арилжаа хийв;

- Канад улсын Торонтогийн хөрөнгийн биржид бүртгэлтэй “Эрдэнэ Ресурс Девелопмент Корпорэйшн” нь Монголын хөрөнгийн биржид хувьцаагаа бүртгүүлснээр үнэт цаасны давхар бүртгэл хөрөнгийн зах зээлд нэвтэрсэн;

- МХБ-ийн үйл ажиллагааны үндсэн журмууд болох “Арилжааны журам”, “Үнэт цаасны бүртгэлийн журам”, “Үнэт цаасны үнийн индекс тооцох журам”, “Үнэт цаасны анхдагч зах зээлийн арилжааны журам”, “Гишүүнчлэлийн журам”-ууд шинэчлэн батлагдсан;

- ЗГҮЦ-ны арилжаа 2015-2017 онуудад нийт арилжааны үнийн дүнгийн 85-95 орчим хувийг эзэлдэг байсан бол 2018 онд ЗГҮЦ-ны анхдагч зах зээлийн арилжаа огт явагдаагүйн улмаас энэ нь нийт арилжааны дөнгөж 13.7 хувийг бүрдүүлсэн байна;

- МХБ нь тайлант хугацаанд Улсын төсвөөс ямар нэгэн санхүүжилт авалгүйгээр хөрөнгийн зах зээлийн дэд бүтцийн аюулгүй, найдвартай, хэвийн ажиллагааг хангаж ажиллахад 838.9 сая төгрөгийг компанийн өөрийн эх үүсвэрээс төлж, шийдвэрлэн санхүүгийн хувьд Улсын төсвөөс хараат бус байдалд шилжлээ.

Санхүүгийн үзүүлэлтийн хувьд 2017 онтой харьцуулахад хувьцааны арилжаа 2.7 дахин нэмэгдсэн хэдий ч Засгийн газрын үнэт цаасны арилжаа 739 тэрбум төгрөгөөр буурснаар компанийн үйл ажиллагааны нийт орлого 1.8 тэрбум төгрөгт хүрч, өмнөх оноос 6.95 хувиар буурсан үзүүлэлттэй, нийт үйл ажиллагааны зардлын дүн 2.6 тэрбум төгрөгт хүрч, 805.1 сая төгрөгийн татварын өмнөх алдагдлыг хүлээн зөвшөөрсөн бөгөөд Улсын төсөвт нийт 362.4 сая төгрөгийн татвар, шимтгэлийг төлсөн байна.

Эх сурвалж: Монголын хөрөнгийн бирж

МХБ-д бүртгэлтэй 17 хувьцаат компани ногдол ашиг хуваарилахаар шийдвэрлэсэн байна

2019 оны 2-р сарын 21-ний өдрийн байдлаар Монголын хөрөнгийн биржид бүртгэлтэй 217 компаниас 17 компани ногдол ашиг хуваарилахаар шийдвэрлэсэн байна. Эдгээр компаниудын 4 нь 2018 онд IPO хийн хөрөнгийн зах зээлд хөлөө тавиад удаагүй байгаа “ЛэндМН ББСБ”, “Монгол базальт”, “Мандал даатгал”, “Ард даатгал” компаниуд ажээ.

Мөн ногдол ашгийн мэдээнээс хамгийн сонирхол татаж байгаа компани бол МХБ-ийн 2-р ангилалд бүртгэлтэй, 2018 оны 9-р сард нэмэлт хувьцаа гарган, 3.7 тэрбум төгрөг татан төвлөрүүлсэн “Хөвсгөл алтан дууга” ХК юм. Тус компани 2018 онд 399.2 сая төгрөгийн цэвэр ашигтай ажилласан боловч, өөрийн хуримтлагдсан ашгаасаа 1.8 тэрбум төгрөгийн ногдол ашиг хуваарилахаар шийдвэрлэсэн байна.

Эх сурвалж: “Ти Ди Би Капитал ҮЦК” ХХК

“Ард кредит ББСБ” ХК-ийн үнэт цаасны захиалга хүлээн авах үйл ажиллагаатай холбогдуулан цан цохих ёслол боллоо

Монголын хөрөнгийн биржид шинээр бүртгэгдсэн “Ард Кредит ББСБ” ХК-ийн үнэт цаасны анхдагч зах зээлийн арилжааны захиалгыг эхлүүлсэнтэй холбогдуулан цан цохих ёслолын үйл ажиллагаа 2019 оны 2-р сарын 18-ны өдөр боллоо. Энэхүү арга хэмжээнд Санхүүгийн Зохицуулах Хорооны Үнэт цаасны газрын дарга Б.Лхагвасүрэн, Монголын хөрөнгийн биржийн Гүйцэтгэх захирал Х.Алтай, “Ард Санхүүгийн Нэгдэл” ХК-ийн Гүйцэтгэх захирал Ч.Ганхуяг, “Ард Кредит ББСБ” ХК-ийн Гүйцэтгэх захирал Ч.Ганзориг, “Ард кредит ББСБ” ХК-ийн хувьцаа эзэмшигч, ТУЗ-ийн гишүүн С.Гэрэлтуяа, “Ард капитал групп” ХХК-ийн Гүйцэтгэх захирал Б.Өлзийбаяр нар оролцож, Монголын хөрөнгийн биржийн 5,912 дахь арилжааг эхлүүлэх хүндэтгэлийн цанг цохилоо.

“Ард кредит ББСБ” ХК нь 2011 онд үүсгэн байгуулагдсан, “Ард санхүүгийн нэгдэл” ХК-ийн хөрөнгө оруулалттай компани бөгөөд зээл олгох, цахим төлбөр тооцоо, мөнгөн гуйвуулга зэрэг үйлчилгээг эрхэлдэг. Тус компани нь зээлийн бүтээгдэхүүнийг санхүүжүүлэх зорилгоор нийт хувьцааныхаа 25 хувь буюу 70,000,000 ширхэг хувьцааг нэг бүрийг нь 70 төгрөг ба түүнээс доошгүй (70-85 төгрөг) төгрөгөөр олон нийтэд санал болгон худалдаалж, нийт 4.9 тэрбум төгрөг ба түүнээс доошгүй хэмжээний хөрөнгийг төгрөгийг татан төвлөрүүлэхээр ажиллаж байна.

Үнэт цаасны худалдан авах захиалгыг 2019 оны 2 дугаар сарын 18-наас 2019 оны 3 дугаар сарын 01-ний өдрийн 10:00-15:00 цагийн хооронд Монголын хөрөнгийн биржийн бүх гишүүн үнэт цаасны компаниудаар дамжуулан хүлээн авах юм.

Эх сурвалж: Монголын хөрөнгийн бирж



МХБ: 2-р сарын 22-ны өдрийн байдлаар 17 компани хувьцаа эзэмшигчдийн хурлын товоо гаргаад байна

Монголын Хөрөнгийн биржид бүртгэлтэй 17 компани хувьцаа эзэмшигчдийнхээ ээлжит хурлын товыг зарлаад байна.

Хувьцаат компаниуд хувьцаа эзэмшигчдийн хурлаа санхүүгийн жил дууссанаас хойш дөрвөн сарын дотор буюу дөрөвдүгээр сарын 30-наас өмнө зарлан хуралдуулах үүрэгтэй байдаг.

Одоогоор 2018 онд IPO хийсэн компаниудаас “ЛэндМН ББСБ”, “Ард даатгал” компаниуд хувьцаа эзэмшигчдийн ээлжит хурлын товоо гаргасан байна.

Энэ онд Монголын Хөрөнгийн бирж болон Санхүүгийн зохицуулах хороо хувьцаат компаниудын засаглалыг сайжруулахад илүү анхаарч байгаа аж. Энэ хүрээнд компаниудыг хуулийн хугацаандаа хувьцаа эзэмшигчдийн хурлаа зарлаж, санхүү болон үйл ажиллагааны тайлангаа ил тод байлгахыг шаардаж байна.

Эх сурвалж: “Ти Ди Би Капитал ҮЦК” ХХК

КОМПАНИЙН МЭДЭЭ

“Сүү” ХК-ийн цэвэр ашиг 2018 онд 2.4 дахин өсөж, 5.7 тэрбум төгрөг хүрчээ

Монголын Хөрөнгийн биржийн I ангилалд бүртгэлтэй “Сүү” компанийн цэвэр ашиг 2018 онд 5.7 тэрбум төгрөг хүрч өслөө. Энэ нь 2017 оны цэвэр ашгаас 2.4 дахин өссөн үзүүлэлт болж байгаа юм.

Тус компанийн борлуулалтын орлого 2018 онд 33.9 хувиар өсөж, 70.3 тэрбум төгрөг болсон байна. Харин борлуулалтын өртгөө бууруулж чадсанаар борлуулалтын нийт ашиг нь 84.7 хувиар нэмэгдэж, 20 тэрбум төгрөгийг давжээ. Цаашид сүү, сүүн бүтээгдэхүүний зах зээл тогтмол өсөх төлөвтэй байгаа учраас энэ зах зээлд эзлэх хувиа тэлэх боломжтой гэж харж байгаагаа тус компанийн Гүйцэтгэх захирал мэдээлж байсан юм.

“Сүү” компанийн нэгж хувьцааны ханш сүүлийн байдлаар 214 төгрөгөөр хэмжигдэж байна. Ингэснээр зах зээлийн үнэлгээ нь 73 тэрбум төгрөг даваад байгаа юм.

Тус компанийн 92.75 хувийг гурван том хувьцаа эзэмшигч, 7.25 хувийг 1,651 жижиг хувьцаа эзэмшигч эзэмшиж байна.

Эх сурвалж: BloombergTv.mn

“Монгол шуудан” ХК-ийн цэвэр ашиг 2018 онд 27.5 хувиар өсжээ

2018 онд Монголын Хөрөнгийн биржийн I ангилалд бүртгэлтэй “Монгол шуудан” компанийн цэвэр ашиг 1,560 сая төгрөг хүрч, өмнөх оноос 27.5 хувиар өссөн байна. Үүнд, транзит үйлчилгээний орлого, дотоодын хүргэлтийн үйлчилгээний өргөтгөл, хот хоорондын ложистикийн үйлчилгээ 90 хувиар өссөн нь голлон нөлөөлсөн гэж компаниас мэдээлэв.

“Монгол шуудан” компани нь 2016 онд өөрийн нэмэлт хувьцааг гаргаж 6.3 тэрбум төгрөгийг амжилттай татан төвлөрүүлсэн. Татан төвлөрүүлсэн хөрөнгөөр техник, технологи, тоног төхөөрөмжийн шинэчлэлтүүдийг хийсэн төдийгүй хүргэлт, транзит үйлчилгээ, орон нутгийн ложистик тээвэр болон бүх аймагт тээш хадгалалт, илгээлтийн үйлчилгээг нэвтрүүлсэн юм.

Тус компанийн 66 хувь нь Төрийн өмч, 25.2 орчим хувийг нь “Ард санхүүгийн нэгдэл” компани эзэмшдэг. Харин үлдсэн 8.8 хувийг нийт 790 жижиг хувьцаа эзэмшигч эзэмшиж байна.

Эх сурвалж: BloombergTv.mn

2017 онд 1.9 тэрбум төгрөгийн алдагдалтай ажилласан “Улаанбаатар БҮК” 2018 онд 566 сая төгрөгийн ашигтай ажиллав

2017 онд 1.9 тэрбум төгрөгийн алдагдалтай ажилласан “Улаанбаатар БҮК” компани 2018 онд 566 сая төгрөгийн ашигтай ажиллалаа.

Үүнд, борлуулалтын орлогын 280 хувийн өсөлт голлон нөлөөлсөн байна.

Барилгын материал үйлдвэрлэдэг “Улаанбаатар БҮК” компани хувьцаагаа хамгийн сүүлд нэгдүгээр сарын 28-нд Монголын Хөрөнгийн биржид арилжжээ. Ингэхдээ нэгж хувьцааны ханш нь 400 төгрөгт хүрч, зах зээлийн үнэлгээ нь 52.6 тэрбум төгрөг болж өссөн байна.

Тус компани Монголын Хөрөнгийн биржид бүртгэлтэй, хувьцааны төвлөрөл өндөртэй компаниудын нэг юм. Компанийн нийт хувьцааных нь 97.5 хувийг “Улаанбаатар менежмент” компани, үлдсэн 2.5 хувийг нийт 811 жижиг хувьцаа эзэмшигчид эзэмшиж байна.

Эх сурвалж: BloombergTv.mn

“Техник импорт” цэвэр ашгаасаа 723.3 сая төгрөгийн ногдол ашиг хуваарилна

“Техник импорт” компани 2018 онд 2.7 тэрбум төгрөгийн цэвэр ашигтай ажилласан байна. Энэ нь 2017 оныхоос 4.4 дахин өссөн үзүүлэлт болж байгаа ажээ.

Компанийн цэвэр ашиг ийнхүү өсөхөд борлуулалтын орлогын өсөлт голлох нөлөөг үзүүлсэн байна. Сүүлийн нэг жилийн хугацаанд компанийн борлуулалтын орлого өмнөх оноос 60 хувиар өсжээ. Монголын Хөрөнгийн биржийн II ангилалд бүртгэлтэй “Техник импорт” компани 2018 оны цэвэр ашгаасаа нэгж хувьцаанд 500 төгрөг буюу нийт 723.3 сая төгрөгийн ногдол ашиг хуваарилахаар шийдвэрлэжээ. Ногдол ашиг авах эрхтэй хувьцаа эзэмшигчдийн жагсаалтыг гуравдугаар сарын 11-ний өдрөөр тогтоож, дөрөвдүгээр сарын 11-ний өдрөөс компанийн байранд олгохоор болсон байна. “Техник импорт” компанийн 97.5 хувийг гурван том хувьцаа эзэмшигч, үлдсэн 2.5 хувийг 458 жижиг хувьцаа эзэмшигч эзэмшиж байгаа ажээ.

Эх сурвалж: BloombergTv.mn

“Ремикон” ХК: 2018 онд алдагдал өмнөх оныхоос 3 дахин буурсан

“Ремикон” компанийн борлуулалтын орлого 2018 онд 9,190 орчим сая төгрөг хүрч өсжээ. Энэ нь 2017 онтой харьцуулахад 17.8 хувиар өссөн дүн болж байгаа юм.

Тус компани 2018 онд борлуулалтаа 20 орчим хувиар өсгөхөөр төлөвлөж байгаагаа “Bloomberg”-т өгсөн ярилцлагынхаа үеэр дурдаж байлаа. Ийнхүү борлуулалт нь өссөнөөр тус компанийн алдагдал буурч, 428 сая төгрөг болсон байна.

“Ремикон” компани 2017 онд 1.3 тэрбум төгрөгийн алдагдалтай ажиллаж байсан юм. Барилгын салбарт тулгамдаж байгаа гол асуудал нь мөнгөн урсгал гэдгийг тус компанийн Гүйцэтгэх захирал мэдээлж байв. Өөрөөр хэлбэл, он дамнанас бараа, бүтээгдэхүүний солилцоо өрийн сүлжээ үүсгэдэг байна.

Лхагва гарагт Монголын Хөрөнгийн биржид “Ремикон” компанийн хувьцааны ханш 2.6 хувиар унаж, 29.2 төгрөг болжээ. Тус компанийн хувьцааны ханш сүүлийн хоёр жил дараалан буурч байна.

“Ремикон” компанийн 68.2 хувийг нь дөрвөн том хувьцаа эзэмшигч, 31.8 хувийг нь 1,469 жижиг хувьцаа эзэмшигчид эзэмшиж байгаа юм.

Эх сурвалж: BloombergTv.mn

“Гермес центр” ХК-ийн цэвэр ашиг 2018 онд 9.5 хувиар өсөж, 783 сая төгрөгт хүрчээ

Түрээсийн үйлчилгээ эрхэлдэг “Гермес центр” компанийн цэвэр ашиг 2018 онд жилийн өмнөхөөс 9.5 хувиар өсөж, 783 сая төгрөг хүрлээ. Тус компани 2018 оны эхний хагас жилийн ашгаас хувьцаа эзэмшигчдэдээ нийт 392.7 сая төгрөгийн ногдол ашиг тараажээ.

Өөрөөр хэлбэл, нэгж хувьцаанд таван төгрөгийн ногдол ашгийг хуваарилж байсан юм. Монголын Хөрөнгийн биржийн мэдээлснээр “Гермес центр” компани 2016 оноос эхлэн хагас жил тутамд ногдол ашиг тарааж байгаа аж. Тус компани ирэх жилүүдэд ч ногдол ашгаа тогтмол олгож байх бодлого баримталж байгааг удирдлагууд нь мэдээлж байв. Монголын Хөрөнгийн биржийн II ангилалд бүртгэлтэй “Гермес центр” компанийн хувьцааны ханш лхагва гарагийн арилжаагаар 1.4 орчим хувиар унаж, 143 төгрөг болжээ. Сүүлийн нэг жилийн хугацаанд хувьцааны ханш нь 140-160 төгрөгийн хооронд хэлбэлзэж байна.

Эх сурвалж: BloombergTv.mn

ТҮҮХИЙ ЭДИЙН ЗАХ ЗЭЭЛИЙН МЭДЭЭ

Монголд үйл ажиллагаа явуулдаг гадаадын уул уурхайн компаниудын үнэлгээ 2018 онд 4 тэрбум ам.доллороор буурчээ

Монголд үйл ажиллагаа явуулдаг, гадаадын Хөрөнгийн биржид бүртгэлтэй уул уурхайн компаниудын зах зээлийн үнэлгээ 2018 онд дөрвөн тэрбум ам.доллороор хумигдсан талаар "Asia Mining" сэтгүүл мэдээллээ.

Нью-Йоркийн Хөрөнгийн биржид бүртгэлтэй "Turquoise Hill Resources" компанийн зах зээлийн үнэлгээ өнгөрсөн онд долоон тэрбум ам.доллороос 3.2 тэрбум ам.доллар болж буурсан байна. 12 дугаар сарын сүүлийн хагаст АНУ-ын хувьцааны зах зээлийн уналтыг дагаж энэхүү хувьцааны ханш буурсныг шинжээчид онцолж байгаа юм. "Turquoise Hill Resources"-ийн үнэлгээ нь шууд "Оюу Толгой" төслийн үнэлгээ юм. Монголын хамгийн том орд, хөрөнгө оруулалт, эдийн засгийн гол жишиг гэж тодорхойлогддог тус компанийн үнэлгээ 55 хувиар унасан нь Монголын улс төр эдийн засгийн нөхцөл байдлыг хөрөнгө оруулагчид дүгнэж байгаагийн илрэл гэж үзэж байна.

Үүний зэрэгцээ Торонтогийн Хөрөнгийн биржид бүртгэлтэй Монголд үйл ажиллагаа явуулдаг хайгуулын компаниудын үнэлгээ 50-71 хувиар буурсан байна. Энэ нь биржийн гол индексийн уналтаас хоёр дахин өндөр байсан байна. 2018 оны тавдугаар сард тус биржид IPO хийсэн "Steppe Gold" компанийн хувьцааны ханш хоёрдогч зах зээлийн арилжаа эхлэхэд 1.84 канад доллар байсан бол 12 дугаар сарын 30-нд 0.84 болж, 54 хувиар буурчээ. Өөрөөр хэлбэл зах зээлийн үнэлгээгээ 40 сая канад доллороор алдсан байгаа юм. Монголд хайгуулын чиглэлээр үйл ажиллагаа явуулж байгаа "Erdene Resource Development" компанийн хувьцаа Торонтогийн Хөрөнгийн биржид өнгөрсөн онд 0.58 канад доллороос 0.22 канад доллар болтлоо буурсан байна. Алтны агуулга харьцангуй өндөр хүдрийн биет нээн илрүүлсэн гэдэг нь тус компани өнгөрсөн онд чамгүй амжилттай ажилласныг илэрхийлж байгаа ч хувьцаа нь ийнхүү унасан байгаа юм.

Австралийн Үнэт цаасны биржид бүртгэлтэй "Xanadu Mines" компани 80 гаруй сая австрали долларын үнэлгээгээ өнгөрсөн нэг жилд алджээ. Хонгконгийн Хөрөнгийн биржид бүртгэлтэй нүүрсний компаниуд алт, зэсийн хайгуулын компаниудтай харьцуулахад арай дээр дүр зурагтай байгаа ч бас л чамгүй үнэлгээ алдаад байна. "S&P Metals and Mining Index" 2016 оны эхнээс 2018 оны эх хүртэл гурав дахин өсөөд байсан бол 2018 оны төгсгөл гэхэд 27 хувиар буурчээ. Нэг талаас хувьцааны зах зээлийн өндөр өсөлт хагарч байна хэмээн шинжээчид дүгнэж байна.

Уул уурхайн салбарын гигантуудын хувьцааны ханш ч дунджаар 10-20 хувиар буурсан бол Монголд үйл ажиллагаа явуулдаг компаниудын ханш 30-70 хувиар унажээ. Энэ нь Монголын компаниудын эрсдэл дэлхийн бусад компаниудаас багадаа хоёр дахин их гэдгийг харуулж байна.

Эх сурвалж: BloombergTv.mn



ЭБМЗ: Нүүрсний зах зээл тогтвортой байгаатай холбоотойгоор шинэ төслүүд нэмэгдэж байна

Нүүрсний зах зээл тогтвортой сайн байгаатай холбоотойгоор нүүрсний шинэ төслүүд нэмэгдэж байна" гэж Эрдэс баялгийн мэргэжлийн зөвлөл мэдээллээ. Өнгөрсөн баасан гарагт Эрдэс баялгийн мэргэжлийн зөвлөлийн хуралдаанаар уул уурхайн 11 ордын ТЭЗҮ-ийг хэлэлцсэн байна.

Эдгээрээс хоёр ТЭЗҮ-ийг бүрэн хүлээж авсан бол наймд нь нэмэлт засвар хийх шаардлага тавьж, нэг ТЭЗҮ-ийг буцаажээ. Нэмэлт засвар шаардлагатай төслүүд дунд нүүрсний гурван төсөл байна. Үүнд "Terracom" компанийн Баруун Ноён уул ордын баруун хэсгийг ил аргаар ашиглах ТЭЗҮ багтаж байгаа аж. 2.5 сая тонн нүүрсний батлагдсан нөөцтэй энэхүү ордын үйл ажиллагааг таван жил үргэлжлүүлэхээр төлөвлөж байна. "Terracom" компани Монголоос экспортод гаргаж байгаа нүүрсний хэмжээгээ жилийн гурван сая тонн болгохоор зорьж байгаагаа зарласан юм.

Мөн Сүхбаатар аймгийн нутагт орших "Бадмаараг хаш" компанийн "Сайн хөөвөр" нүүрсний орд, Говь-Алтай аймаг дахь "Арголд" компанийн "Хар толгой" чулуун нүүрсний орд байгаа аж. "Хар толгой" ордын тухайд 8.6 сая тонн нүүрсний батлагдсан нөөцтэй, 2012 оноос олборлолтоо эхэлсэн бөгөөд таван жил тутамд ТЭЗҮ-ийг нь тодотгодог юм байна.

Одоогоор улсын хэмжээнд хүчин төгөлдөр байгаа ашиглалтын тусгай зөвшөөрлийн 19 орчим хувь нь нүүрснийх байна. Мөн 2019 онд ашиглалтад оруулахаар 15-460 тэрбум хүртэлх төгрөгийн хөрөнгө оруулалттай нүүрсний найман төслийн ТЭЗҮ батлагдсан талаар Ашигт малтмал, Газрын тосны газар өмнө нь мэдээлж байв. Үүний тал нь чулуун нүүрсний төсөл байна.

Эдгээрээс хамгийн өндөр хүчин чадалтай нь 10 сая тонн нүүрс олборлох хүчин чадалтай, 460 тэрбум төгрөгийн хөрөнгө оруулалттай ерөөлтийн хүрэн нүүрсний орд байгаа юм. Мөн Дорноговь аймгийн нутаг дахь "Далдын хар толгой - 2" орд нь 270 мянгаас нэг сая тонн хүртэлх нүүрс олборлох хүчин чадалтай, хөрөнгө оруулалт нь 21.1 тэрбум төгрөг байхаар ТЭЗҮ-дээ тусгажээ.

Эх сурвалж: BloombergTv.mn

мэдэгдэл

Энэхүү хэвлэл /мэдээлэл, судалгаа/ нь "Ти Ди Би Капитал ҮЦК" ХХК-ийн нэрийн өмнөөс зөвхөн өөрийн үйлчлүүлэгчид /харилцагчид/-д мэдээлэл хүргэх зорилгоор бэлтгэгдсэн ба энэ нь аливаа нэг хөрөнгө оруулалтын зөвлөгөө болон аливаа санхүүгийн хэрэгслийг худалдах, худалдан авах санал биш болно. Судалгаа /хэвлэл/-г бэлтгэх үеийн байдлаар түүнд агуулагдаж буй мэдээллийн үнэн бодит байдлыг хангах талаар шаардлагатай ажиллагааг хийсэн бөгөөд "Ти Ди Би Капитал ҮЦК" ХХК нь мэдээллийн үнэн бодит байдалд баталгаа гаргахгүй. Энэхүү мэдэгдэлд агуулагдаж буй мэдээллийг үйл ажиллагаандаа шууд болон шууд бус байдлаар ашигласнаас үүдэн аливаа хувь хүн, хуулийн этгээдийн үйл ажиллагаанд учирсан хохиролд "Ти Ди Би Капитал ҮЦК" ХХК хариуцлага хүлээхгүй болно.